

A UNIOS

Nº 22

ABRIL 2017



ASOCIACION CULTURAL

Pineiróns





ANDURIÑA S.D.



Por: Javier Fernández Soutullo

Rematada a Primeira Gran Guerra, a Ría de Arousa convértese nun afamado porto natural para as frotas navais das potencias vencedoras do gran conflito, a Británica e mesmo a da Unión Soviética, sendo a primeira delas a que máis pegada deixa nas poboacións limítrofes convertendo a Vilagarcía case que nunha das colonias do imperio.

Xunto coa maquinaria de guerra, viñeron algúns dos seus costumes como as cacerías de patos na ría e o fútbol, que pronto prendeu nos veciños. Sen dúbida a construción do Gran Hotel da Toxa, que se enchía de oficiais e das súas familias, contribuíu á práctica deste novo deporte no Grove.

Foi entón, en 1919, cando xurdiu o ANDURIÑA S.D., comezando a súa exitosa andaina nun eucaliptal que, situado na marxe esquerda da ponte da Toxa, foi preparado como campo para a práctica do fútbol.

Numerosos grupos de veciños, comandados polo Dr. Don Cándido Otero Goday, fundaron o club que sería claro dominador nas categorías das Rías Baixas durante moito tempo. O Anduriña era coñecido en toda Galicia, aínda que, a diferenza de hoxe, a competición desenvolvíase nun ámbito case que autonómico.

O Anduriña desenvolvía un gran labor social. Famosos foron os bailes no casino do Grove onde eran elixidas a mises do club e as súas damas, que no seguinte partido farían o saque de honor.

Tivo sempre seccións de categorías inferiores de moi bo nivel e incluso equipo de fútbol feminino, aínda que este non tivo continuidade por carecer de competición oficial. Tamén alcanzou sona o seu equipo de veteranos.

Foi unha sociedade de marcado carácter familiar. Recordo na década dos setenta que familias enteiras enchían varios autobuses e facíanse longos desprazamentos para apoiar ao seu equipo.

Tamén nos anos 70 se abandonou o campo da Toxa para estrear o novo campo de Monte da Vila e, como non podería ser de outra maneira, co Anduriña competiu outro equipo da localidade, xurdido nos anos 50 s.XX, o C.D. GROVE.

Foron tremendos os enfrontamentos no terreo de xogo durante moitos anos. O cambio de club, por parte de calquera xogador, era considerado unha traizón e unha afronta, pero iso remataba co son do pito final do Sr. arbitro, iso si, as dúas afeccións xa empezaban a pensar no partido da segunda volta.



Esquerda: 1948 o equipo do Anduriña no campo da Toxa, en formación, acorde cos tempos.
Dereita: 1935. Lueiro Rey, arriba 2º pola dereita. A madiña era a súa muller. Campo da Toxa.



Esquerda: Equipo ganador do trofeo Juan Torres. Catro veces consecutivas 1925-26-27-28. Non había liga, eran campionatos rexionais.
Dereita: Unha das primeiras equipacións. Camiseta branca e calzón negro. 1920. O escudo tan só tiña a londra mirando cara abaixo.



Esquerda: 1935. Última formación do Anduriña antes da Guerra Civil. No campo da Pobra.
Dereita: Ano 1945. Don Cándido o presidente trouxo da Arxentina a camiseta coa franxa horizontal. Sería a definitiva.



Esquerda: 1954. Equipo campión Rías Baixas, tamén á Deportividade. Co eles o representante da Federación de Pontevedra.
Dereita: 1952. O equipo coa pancarta da "Peña 2 + 2 Vuela Anduriña".



Esquerda: 1961. Equipo campión Rías Baixas.
Dereita: Equipo campión Rías Baixas 1971. Campión de modestos 1972.



Esquerda: 1976. Dous equipos de veteranos, todos do Anduriña. Xogaban unha caldeirada no campo de Monte da Vila.
Dereita: O equipo con máis éxitos do club. Anos do 72 - 75. Gañaron todo.



1980
Equipo feminino do Anduriña, con Túñez
de mister e Pepiño de árbitro.

ACTIVIDADES “Pineiróns”
Agradecemento á:

Colabora



CONCELLO DE O GROVE
CASA DE CULTURA DE O GROVE